

# Por un feminismo d'hermanas de tierra



Esti añu que dexamos tras, pero qu'aún abasnamos, impúnxonos a mueitas mirare la vida al traviés d'una ventana; a outras tantas, afaenos ensin remediú a las midías urbanu-céntricas que se pensaron dende y pa las grandes ciudaes. La primaveira avérase y seguimos nuna pandemia que llevó demasiadas vidas que nun van volver, y qu'acentuó más la crisis, la precariedá y la falta de servicios na que vivimos. Tuvu que venire un virus pa amuesare qu'esti sistema que nun orbita alreduro de la vida y nel que nos atopamos atrapadas nun ye caltenible, y que namás ye l'empiezu y agravamientu d'outras crisis y pandemias. A esta emerxencia climática, nestos últimos tiempos xuniéronse la emerxencia social y sanitaria, y nun podemos entamar esti manifiestu ensin trayer equí a tolas personas cutías pol virus y el sistema.

Quiciabes podamos cayer nel error de pensare que las pallabras nun son capaces de muevo. Pero nós pensamos que siguen siendo importantes. Magar de la incertidume y del dolor, las nuestas pallabras son tamién ecosistemas de pensamientos y aiciones que nun existen n'outras llugares. Gracias a eillas podemos ver el mundu, formar parte d'él, reimaxinar y facer posible pensar y creyere n'outras futuros fuera d'esti sistema.

Hermana,

esti 2021 nun vamos salire a la cai cumu otros años. Vamos tare dixebradas por una distancia que nos robó los besos, los abrazos que llevamos un añu ensin sentire, y esas sonrisas que despintaron los mázcaros. Por eso, nesti añu nel que las plazas van tare más vacías que nunca, convidámosvos a llere estas pallabras, a facelas vuestas, dende los balcones, dende los llares, y dexar que'l fumu de las chimeneas s'encargue de xuntare las nuestas voces, que l'aire faiga llegar bien lloñe. Esti 8 de marzu nun podemos dexar d'alzar la nuesa voz cumu muyeres rurales. Porque l'andanciu tamién traxu minutos de lluz; minutos nos que vimos cumu la mesma ciudadanía s'organizaba y s'encargaba d'aqueillu a lo que las pulíticas públics nun quixeron chegare, porque nun tuvieron al altor nin fueron abundu. Por esu queremos davos las gracias: por enseñanos qu'outras formas de convivire y de sofitu mutu son posibles.

Gracias a esas muyeres productoras y pensadoras, que dende embaxo s'organizaron pa que los sous alimentos llocales y de proximidá pudieren llegar hasta tolas casas. Alcordámonos especialmente d'iniciativas cumu

SOS Campesináu, y de tolas xornaleiras migrantes que l'añu pasáu quedaron atrapadas dentro de las nuevas fronteiras, nun país que nun yera'l suyu, lloñe de las súas familias y nunas condiciones bien lloñe de podere denominase dignas. Tamién de todas aqueillas personas trabayadoras nel sector agrícola y ganadeiru que s'infestaron de covid-19 mientras la primavera y el branu pasaos por cuenta de las condiciones infrahumanas que trabayaban y vivían, poniendu de manifestu un sistema de producción intensivu que se sostién a base de nun respetare los drechos humanos más básicos, nin el bientar animal, nin los recursos naturales nin el territoriu que nos sostienen.

Gracias a todas esas muyeres que nun dexen nin un solu día de curiare del sou ganáu, de la tierra, de caltener el nuesu autóctonas y granes llocales, calteniendu los nuestos ecosistemas y la so biodiversidá. Nin el virus nin las grandes nevadas d'esti iviernu consiguieron parales. Porque, si los nuestos medios rurales nun son zonas catastróficas, ye gracias al sou esfotu y el so trabayu altruista, que la mayoría de las vegadas sigue siendu invisible y non reconocíu.

Anguaño quedemos más güérfanas que nunca por culpa d'esti virus. Perdimos a mueitas personas a las que queríamos: que formaban parte de la nuesa familia, de las nuevas amistaes, cómplices nel día ente día... Y, sobre tou, perdimos esa gran conocencia que s'escuende tres los güeyos y las manos de tantas muyeres rurales d'edá avanzada. Una conocencia de la tierra, del mediu que nos arrodia, heredáu de las güelas de las güelas de las súas güelas, qu'agora van curiare las flores y las piedras, y que con eillas callaron pa siempre.

Tamién colaron con eillas mueitas pallabras que yá nunca van volver. Dalgunas, con suerte, quedarían recoyías nes fueyas de dalgún dicionariu llocal, esperandu a que daquién las despolvoiese. Prque nun podemos escaecere tampouco de la riqueza llingüística que curiaron las muyeres rurales, dandu nome a tolos elementos que nos arrodien, y gracias a las cuales güei tenemos la suerte de poder siguire escuitandu una gran variedá de llingüas y acentos que faen únicos y diversos los nuestos medios rurales. Detrás de la llingua y de la pallabra hai formas de vida y venceyos maraviosos y únicos.

Tampouco escaecemos a tolas muyeres que se ven discriminadas pola súa diversidade y de las nuevas hermanas trans. Nun podemos escaecenos d'esas muyeres que falan y ven culas sos manos, nin de las muyeres que caminan a outros ritmos. De las muyeres rurales con sufrimientos y malestares emocionales, d'aqueillas con capacidades distintas. Chamadas llocas, chamadas raras, chamadas discapacitadas. Señaladas por ser distintas. Doblemente escaecías y doblemente afectadas pola pandemia. Todas somos distintas, y todas, xuntas, colas nuevas diversidades, curiamos los nuevos medios rurales. Enllenare de vida y enredámonos pa siguire p'alantre, escaeciéndonos d'esas pallabras qu'entaman per "es-" y que tanto prestan a los medios de comunicación.

Diciámos que l'andanciu robounos los abrazos, peru teximos más redes que nunca pa suplire esa falta de servicios que fueron agravaos pola pandemia. Organizándonos pa llevare alimentos a quienes nun podían salire de las casas, visitandu a quien nun podían ver a la familia por tare lloñe, y dedicandu más tiempu que nunca a curiare de quien tenemos cerca. Nestos tiempos difíciles, mueitas muyeres tuvieron que combinare los trabayos nel campu, outras el teletrabayu, outras siguieron al pie del cañón nos centros de salú; con ser maestras, cuidadoras, enfermeras... Teniendu que tare disponibles pa los demás tol tiempu.

Oyimos de forma constante que tenemos mueita suerte de vivire nun pueblu, porque tenemos contactu direutu cola naturaleza. Peru lo que naide ve ye qu'equí los servicios básicos víéronse menguaos por partida doble; unos servicios que yá yeran escasos y qu'en mueitos casos sumieron. Col virus cumu xida peslláronse centros de día y comedores, y amenorgouse l'horariu de mueitas guarderías y outros espacios dedicaos a los cuidados. Amás, mueites familias tuvieron que sacare de las residencias a los sous mayores por mieu a que s'infestaran, atopándose munches muyeres ensin outra alternativa que tener que buscarse la vida pa poder conciliare los sous trabayos col cuidu de los sous familiares dependientes.

Alcordámonos tamién de tolas compañeiras que sufrieron ERTES, o que tuvieron que pesllare los sous negocios pola crisis derivada del andanciu. Vimos cúmu, a la que mueito tiempu, dende las alministraciones s'impulsó nas zonas rurales el turismu cumu(cuasi) única fonte d'ingresos. Anguaño la pandemia fixo que mueites familias nel rural dedicadas al turismu tare pasandu realmente mal y nun tengan outras opciones.

La pandemia apinou, más que nunca, la fienda dixital. Nun añu nel que'l teletrabayu remaneciou nel nuesu país, atopemos con que mientras nas grandes ciudaes ta chegandu yá'l 5G, en mueitos de los nuestos pueblos nun hai nin siquier banda ancha. Incorporemos la pallabra «teletrabayu» a la nuesa rutina, y pa munchos medios y alministraciones convirtiouse en panacea y salvación de los nuestos medios rurales. Nós güei queremos reivindicare el tierratrabayu. Queremos siguire lluitandu por tenere accesu a la tierra y a una vivienda digna nel mediu rural. Queremos que s'ayude y facilite las producciones agroecolóxicas y estensivas que tán amestadas al territoriu, produciendu alimentos d'altu valor ambiental, creandu un venceyu únicu ente persona, animal, grana y tierra. Queremos dignidá y drechos pa las personas migrantes que trabayan nos nuestos campos. Queremos los servicios públicos calidables que merecemos.

Llueu va tornare la primavera. Los nuestos campos yá llucen un color verde que nos fai pensare n'outro mañana. Nun importa lo que venga, porque vamos siguire xunidas llantandu cara a las adversidaes. Porque nin siquier esti virus consiguiu vaciare el nuesu territoriu. Siguiamos xuntas frente al andanciu. Siguiamos xuniendu los nuestos pueblos texendu redes y venceyos, colas nuestas manos tiñías pol color del terruñu. Y quedamos eiquí na tierra y conxugamos el verbu «aterreñar», una pallabra del norte que nos devuelve la esperanza y la lluz. Significa vere y triare la tierra de nuevu dempués de la ñeve, non solo nós, sinón tamién los animales, que vuelven tres las grandes nevadas a alimentase del campu. Sabemos que llueu vamos poder enllordiar las manos de tierra, todas xuntas; miranos, y sorrir.

Por un feminismu de todas,

por un feminismu d'hermanas de tierra.

\*La ilustración ye d'Eva Piay. Podéis descargala equí.

\*\**(Esti Manifiestu foi escritu por Lucía López Marco y María Sánchez. Gracias a los conseys y aportaciones de Celsa Peitado, Ana Pinto, Blanca Casares, Patricia Dopazo, Mentxu Ramilo, Karina Rocha, Elisa Oteros y Elena Medel. Y a tantas que fixestis chegare las vuestas aportaciones.)*

\*\*\*Esti manifestu foi traducíu al llionés por @pga.45